

Unnga Siunnersuut: Nappaatit tunillaassortut akiorniarlugit iliuitsit pillugit Inatsisartut inatsisaat
(Meeqqanut, Inuusuttunut, Ilaqutariinnut Peqqissutsimullu Naalakkersuisoq)**Oqaaseqaat:**

Siumumiit pingaartitaraarput Kalaallit nunatta innuttaasa qullersaqarfimmiit peqqinnissaqarfimmiillu pitsaasumik ikiorneqarsinnaanissaannik inatsisitigut sinaakkuteqarnissaq. Nappaatillu innunat nalinginnaasumik ulorianartitsisinnaasutut taaneqartartut aamma erseqqissumik inatsisikkut inissisimatinneqarnissaat.

Una inatsisissaq "Nappaatit tunillaassortut akiorniarlugit iliuitsit pillugit Inatsisartut inatsisaat Naalakkersuisup oqaatigineratut siulianituulli eqqartorneqarnikoq inatsisartut inatsisaattut sammineqartoq UPA2022/161-mi sammineqartoq amerlasuutigut assersuunneqarsinnaavoq.

Taamanimi Kalaallit nunarput Nunamiut allat nualluussuarmik taaneqartartumik Covid-19 eqqorneqarnerata kingorna nunatta ammaqqinneratigut inatsisissaq atuutsinneqalerpoq.

Inatsisissap nutaassami suli siunertarineqarpoq innuttaasut nappaatinut tuniluussinnaasunik illersorneqarnissaat. Tassa nunamiikkaluarpat, umiarsuarminngaanneeraluarpat timmisartuninngaanneeraluarpat inatsisissap innuttaasut tunillaassuunneqarsinnaanerat minnerpaamiitinneqarsinnaanerat inatsisissamik tunaartaqarnikkut. Allanguutissaqassappallu pisariaqartitsineq aallaavigalugu Naalakkersuisut allanguutissanik sanasinnaassallutik. Kiisalu inatsisartut nakkutiginnissinnaanerat uani inatsisissami periarfissinneqarnerat pingaartinneqarluni allaaserineqarpoq.

Taamatut Siumumiit oqaaseqarluta Naalakkersuisut inatsisissatut siunnersuutaa taperserlugu aappassaaneertinnagu ataatsimiititaliamut susassaqartumut ingerlanneqarnissaa innersuupparput.

Mala Høy Kúko, Siumut